

Kantona Sarajevo”, broj 4/99).

Član 9.

Izvori sredstava za rad SARAJEVO ART-a su:

- sredstva osnivača,
- iz vlastitih prihoda od prodaje ulaznica
- iz naknada za obavljanje intelektualnih i drugih usluga,
- iz legata, poklona, zavještanja i drugih izvora.

Član 10.

Pitanja prava i obaveza između osnivača i SARAJEVO ART-a koja nisu regulisana ovom odlukom utvrdit će se ugovorom.

Član 11.

Vlada Kantona Sarajevo daje saglasnost na pravila, planove rada i razvoja i godišnji program rada SARAJEVO ART-a.

Član 12.

Organ upravljanja u SARAJEVO ART-u je Upravni odbor od pet članova.

Jedna trećina članova Upravnog odbora po pravilu imenuje se iz reda stručnih kadrova zaposlenih u SARAJEVO ART -u.

Predsjednika i članove Upravnog odbora imenuje i razrješava Vlada Kantona Sarajevo.

Član 13.

Organ rukovođenja u SARAJEVO ART-u je direktor.

Direktora SARAJEVO ART-a imenuje Upravni odbor na osnovu konkursa koji se objavljuje u javnim glasilima, uz saglasnost Vlade Kantona Sarajevo.

Direktor SARAJEVO ART-a ne može biti član Upravnog odbora.

Direktor SARAJEVO ART-a ovlašten je da predstavlja i zastupa SARAJEVO ART i zaključuje ugovore u unutrašnjem i vanjsko-trgovinskom prometu u okviru registrovane djelatnosti SARAJEVO ART-a.

Član 14.

Organ kontrole poslovanja u SARAJEVO ART-u je Nadzorni odbor od tri člana .

Predsjednika i članove Nadzornog odbora imenuje i razrješava Vlada Kantona Sarajevo.

Jedan član Nadzornog odbora imenuje se iz reda stručnih radnika zaposlenih u SARAJEVO ART-u.

Član 15.

Radnici SARAJEVO ART-a ostvaruju prava u skladu sa zakonom, pravilima SARAJEVO ART-a i kolektivnim ugovorom.

Član 16.

Do imenovanja organa rukovođenja, SARAJEVO ART će predstavljati i zastupati Halid Kuburović sa svim pravima i odgovornostima direktora.

Član 17.

Vlada Kantona će imenovati Upravni odbor u roku od 60 dana od dana stupanja na snagu ove odluke.

Postupak imenovanja direktora SARAJEVO ART-a provest će se u roku od šest mjeseci od dana stupanja na snagu ove odluke pod uslovima i na način utvrđen Zakonom i Pravilima SARAJEVO ART-a.

Član 18.

Upravni odbor će u roku od 60 dana od dana njegovog imenovanja donijeti Pravila, utvrditi akt o sistematizaciji radnih mjesta i preduzeti druge radnje za početak rada SARAJEVO ART-a.

Član 19.

Nadzor nad zakonitosti rada SARAJEVO ART-a vrši Ministarstvo kulture i sporta Kantona Sarajevo.

Član 20.

Višak prihoda nad rashodima koje ostvari, SARAJEVO ART ulaže u razvoj djelatnosti.

Višak rashoda nad приходima pokriva osnivač.

Član 21.

Za svoje obaveze SARAJEVO ART odgovara svom svojom imovinom - potpuna odgovornost.

Osnivač Javne ustanove je supsidijarno odgovoran za obaveze SARAJEVO ART-a.

Član 22.

Na osnovu ove odluke izvršit će se upis u sudski registar ustanova na zahtjev ovlaštenog lica.

Član 23.

Ova odluka stupa na snagu danom objavljivanja u “Službenim novinama Kantona Sarajevo”.

Broj 01-40-146/99

7. jula 1999. godine

Sarajevo

Predsjedavajući

Skupštine Kantona Sarajevo

Mirsad Kebo, s. r.

Na osnovu člana 18. tačka b. Ustava Kantona Sarajevo (“Službene novine Kantona Sarajevo”, br. 1/96, 2/96, 3/96 i 16/97) i člana 100. Zakona o prostornom uređenju (“Službeni list SR BiH”, br. 9/87, 23/88, 24/89, 10/90, 14/90, 15/90 i 14/91 i “Službeni list RBiH”, broj 25/94), Skupština Kantona Sarajevo, na sjednici održanoj 7. jula 1999. godine, donijela je

ODLUKU

O PRISTUPANJU IZRADI URBANISTIČKOG PROJEKTA „GROBLJE BARE - PROŠIRENJE”

Član 1.

Pristupa se izradi Urbanističkog projekta “GROBLJE BARE - PROŠIRENJE” (u daljem tekstu: Urbanistički projekat).

Član 2.

Granica prostornog obuhvata Urbanističkog projekta počinje sa tačke broj 1 koja se nalazi na medi između parcela k.č. 1303 i 1305 K.O. Sarajevo V udaljenoj od sjeverozapadnog ishodišta lista R = 1:1000 broj 89 po y = 91 m, a po x = 89 m, ide u pravoj liniji na jugoistok do tačke broj 2 koja se nalazi na parceli k.č. 1305 udaljenoj od sjeverozapadnog ishodišta lista R = 1:1000 broj 89 po y = 109 m a po x = 126 m, produžava na jugozapad idući u pravoj liniji preko parcela k.č. 1305 K.O. Sarajevo V Općina Centar, 162, 161, 157 i 155 K.O. Novo Sarajevo I Općina Novo Sarajevo i dolazi do tačke broj 3 koja se nalazi na parceli k.č. 155 udaljenoj od sjeveroistočnog ishodišta lista R = 1:1000 broj 88 po y = 2,5 m a po x = 234 m, nastavlja na sjeverozapad u pravoj liniji do tačke broj 4 koja se nalazi na medi između parcela k.č. 334 i 155 udaljenoj od tromede parcela k.č. 155, 334 i 147 cca 10 m K.O. Novo Sarajevo I, nastavlja na sjeverozapad idući međama parcela k.č. 155 i 156 koje obuhvata, presjeca u pravoj liniji parcele k.č. 151, 149/1 i 147 te dolazi do tačke broj 5 koja se nalazi na medi između parcela k.č. 140 i 147 udaljenoj od sjeveroistočnog očka parcele k.č. 147 cca 77 m, produžava na sjeveroistok idući međom između parcela k.č. 140 i 147 u dužini od cca 63 m, ide na sjever u pravoj liniji do tačke broj 6 koja se nalazi na parceli k.č. 140 udaljenoj od tromede parcela k.č. 140, 147 i 151 po y = 14 m, a po x = 15 m, produžava na istok u pravoj liniji te dolazi do tačke broj 7 koja se nalazi na zapadnoj medi parcele k.č. 1300 K.O. Sarajevo V Općina Centar udaljenoj od tromede parcela k.č. 151 i 156 K.O. Novo Sarajevo I Općina Novo Sarajevo i 1300 K.O. Sarajevo V Općina Centar cca 76 m,

produžava na jugoistok te istok idući međama parcela k.č. 1300 i 1303 K.O. Sarajevo V Općina Centar koje ne obuhvata i dolazi do tačke broj 1, odnosno mjesta odakle je opis granice i počeo.

Sve naprijed navedene parcele nalaze se u K.O. Novo Sarajevo I Općina Novo Sarajevo i K.O. Sarajevo V Općina Centar, a opis granice uzet je sa listova R = 1:1000.

Ukupna površina obuhvata iznosi cca 1,8 ha.

Član 3.

Rok za izradu Urbanističkog projekta je dva (2) mjeseca od dana donošenja ove odluke.

Član 4.

Sredstva za izradu geodetskih podloga i geoloških nalaza terena potrebna za izradu Urbanističkog projekta u iznosu od 14.640,00 KM (slovima: četrnaest hiljada šestotina četrdeset KM) obezbijedila je Vlada Kantona Sarajevo (u daljem tekstu: Vlada Kantona) u Budžetu za 1998. godinu.

Član 5.

Nosilac pripreme Urbanističkog projekta je Vlada Kantona.

Nosilac izrade Urbanističkog projekta je Zavod za planiranje razvoja Kantona Sarajevo.

Član 6.

Prva faza - priprema Urbanističkog projekta obuhvata donošenje Programa aktivnosti i Smjernice za pripremu i izradu Urbanističkog projekta koje razmatra i usvaja Ministarstvo prostornog uređenja i komunalnih poslova.

Druga faza - izrada Urbanističkog projekta obuhvata izradu osnovne koncepcije izgradnje i uređenja groblja koju razmatra i prihvata Ministarstvo prostornog uređenja i komunalnih poslova i Savjet iz oblasti urbanizma i prostornog uređenja Vlade Kantona uz prethodno pribavljeno mišljenje općinskih načelnika Općine Centar Sarajevo i Općine Novo Sarajevo.

Član 7.

Nacrt Urbanističkog projekta utvrđuje Vlada Kantona i dostavlja Skupštini Kantona Sarajevo (u daljem tekstu: Skupština Kantona) da ga stavi na javnu raspravu i uvid u trajanju od 30 dana.

Na osnovu rezultata javne rasprave i stavova o nacrtu Urbanističkog projekta, Vlada Kantona utvrđuje prijedlog Urbanističkog projekta i podnosi ga Skupštini Kantona na donošenje.

Član 8.

Subjekti planiranja su: Ministarstvo prostornog uređenja i komunalnih poslova i Ministarstvo prometa i komunikacija Kantona Sarajevo, Općina Centar Sarajevo, Općina Novo Sarajevo, Odbor Islamske zajednice Sarajevo i Kantonalno javno komunalno preduzeće "Pokop".

Član 9.

Sastavni dio ove odluke je grafički prilog - prostorni obuhvat Urbanističkog projekta, prema opisu datom u članu 2. ove odluke.

Član 10.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-144/99
7. jula 1999. godine
Sarajevo

Predsjedavajući
Skupštine Kantona Sarajevo
Mirsad Kebo, s. r.

Na osnovu člana 18. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96 i 16/97) i člana 100. Zakona o prostornom uređenju ("Službeni list SR BiH", br. 9/87, 23/88, 24/89, 10/90, 14/90, 15/90, 14/91 i "Službeni list RBiH", broj 25/94), Skupština Kantona Sarajevo, na sjednici održanoj 7. jula 1999. godine, donijela je

ODLUKU

**O PRISTUPANJU IZRADI REGULACIONOG PLANA
PRIVREDNE ZONE „DONJE TELALOVO POLJE”**

Član 1.

Pristupa se izradi Regulacionog plana privredne zone "Donje Telalovo polje" (u daljem tekstu: Plan).